



**INTERVENÇÃO SUA EXCELÊNCIA PRIMEIRO-MINISTRO
KAY RALA XANANA GUSMÃO NIAN
IHA 48.^a CONFERÊNCIA EUROPEIA KONA-BA APOIO HO
SOLIDARIEDADE BA POVO SARAÚÍ (EUCOCO)**

(Gravado iha Díli, Timor-Leste)

29 de novembro de 2024

Lisboa, Portugal

Excelências

Caros amigos,

Maski la bele marca presença física iha Conferência Anual né nebé halo iha Lisboa, ha'u la haluha atu haruka mensagem apoio ho solidariedade ba povo sarauí.

Tinan rua liubá, iha Berlim, ha'u defende katak solução ba Saara Ocidental depende ba sistema multilateral internacional.

Coragem povo sarauí nian, hodi buka solução ida ba independência ho liberdade, fundamenta iha valores identitários no nacionalistas, maibé, liuliu, determinação ida nebé consubstancia (ka hatúr-hametin) iha direito internacional.

Saara Ocidental hein hela realização nia referendo desde 1992. Hein ona tinan 32 laran. Maibé, ema la haluha!

Países sira husi comunidade internacional nebé fila kotuk ba povo sarauí, fila hela kotuk ba justiça. Sira fila kotuk ba valores nebé ocidente rasik mak propaga (ka halekar): valores hanesan democracia, liberdade ho direitos humanos.

Caros amigos,

Tinan né, iha agosto, povo timor celebra, ho presença Secretário-Geral das Nações Unidas, tinan 25 nia referendo. Iha um quarto de século liubá povo Timor-Leste, ho égide (ka tulun) husi Nações Unidas, exerce nia voto ba independência.

No, hanesan ema barak hatene, ami hetan inspiração husi intenção nebé hanesan ba Saara Ocidental, bainhira, iha início década 90, ho resolução husi Conselho de Segurança das Nações Unidas, cria Missão das Nações Unidas ba Referendo iha Saara Ocidental.

Resistência, armada no clandestina, iha Timor-Leste, sai barani liután hodi continua luta ho motivação no fiar iha princípios internacionais. Tanba fiar katak, depois do Saara Ocidental, karik sei to'o Palestina ho Timor-Leste nia vez (ka tempo).

Tinan ida-né, iha Díli, ami celebra vitória né, maibé ami mós tanis tanba sacrifícios humanos ho memórias kona-ba ami-nia terus. No, ho laran triste, ami hanoin hikas povos sira seluk sira-nia terus, tanba sira seidauk bele concretiza sira-nia destino.

Iha Timor-Leste ami exerce ami-nia direito de escolha, maski iha clima intimidação no violência, tanba ami hatene katak dada-naruk la-ós solução, haré husi experiência adiamento referendo iha Saara Ocidental.

Referendo hanesan solução ba Timor-Leste atu decide kona-ba nia futuro no atu hetan paz ho liberdade ba país no ba região. Ami contribui ona, husi nebé kedan, ba quadro regional ho internacional kona-ba paz, reconciliação no boa vizinhança.

Tanba né, ha'u-nia apelo né atu cumpri Direito Internacional. Atu cumpri princípios sira nebé declara iha resoluções Nações Unidas kona-ba autodeterminação liuhosi expressão livre no genuína husi vontade Saara Ocidental nian.

Ha'u apela ba comunidade internacional atu assume nia responsabilidade iha imperativo global ba descolonização, hodi promove diálogo entre Frente Polisário ho Marrocos, ba solução ida nebé pacífica negociada, nebé respeita direitos povo sarauí nian.

Ha'u apela ba Secretário-Geral das Nações Unidas, António Guterres, atu hako'ak-metin causa justa povo ida-né nian, hanesan saudoso Kofi Annan halo ona ba causa timornian.

Muito obrigado.

Kay Rala Xanana Gusmão